


宋曾文定公隆平集

十一
四



漢書門		八八三〇	一六七	六
漢書門		八八三〇	一六七	六

內閣文庫		
二八五函	八八三〇	漢書
二二架	六冊	類

內閣文庫		
番號	漢	8830
冊數	6 (4)	
函號	285	77



隆平集第十一卷

淺草文庫

宋曾文定公編撰

南豐後學彭期訂

樞密



晉原作進

夏竦字子喬江州人父承皓太平興國初上平晉策
補右侍禁與北虜戰歿於河朔竦以父死事恩授潤
州丹陽縣主簿景德四年舉賢良方正科入等仁宗
封慶國公宰臣王旦薦竦才遂命教書資善堂累擢
知制誥與妻楊訟左遷天聖中復知制誥遷翰林學

士又兼龍圖閣學士五年、樞密副使、七年、叅知政事、與宰相呂夷簡不協、徙樞密副使、明道二年、罷爲禮部尚書、知潁州、景祐三年、爲三司使、元昊叛、建節知永興軍、徙涇州、明年、兼陝西安撫、經略招討等使、還判永興軍、進宣徽南院使、與陳執中共事、不協、徙鄜州、又徙河中府、慶曆二年、以爲樞密使、諫官御史皆言竦姦邪在陝西、怯於用兵、今用之、則邊將之志墮矣、凡十八疏、罷之本鎮、言尚不已、乃改吏部尚書、知亳州、明年、除資政殿大學士、又明年、復宣徽南院使、

河陽三城節度使、判并州、又明年、加使相、判大名府、又明年、召爲宰相、言者又以爲常與宰臣陳執中不協、不可共事、乃改樞密使、封英國公、慶曆八年、罷、知河南府、皇祐九年、加侍中、明堂恩、移鎮武寧、徐州大都督府長史、改封鄭國公、明年、以疾求歸、卒、年六十七、贈太師、中書令、初、諡文正、考功劉敞以爲世謂竦姦邪、諡文正未允、公議改曰文莊、子安期、天聖二年、竦丁母憂、以宰相王欽若素與厚善、乃微服至京、欽若主之、遂復起居西掖、所居多部中、商販喜離開僚

屬以鉤致其事雖待家人亦不以誠故時以姦邪目之慶曆末京師一日無雲而震者五上名翰林學士張方平謂曰夏竦姦邪天變如此宜草詔出之遂有河南之命竦少苦學六經諸史百氏陰陽律曆之書皆博洽亦善爲文朝廷大典冊屢以屬之大中祥符間參政丁謂請醮金水河作后上祠三司使林特欲治玉清昭應宮複道發運使李溥欲致海上巨石爲三神山於曾靈觀池中羣臣爭言符瑞竦獨抗疏以爲不可其役遂寢知洪州其俗信巫有疾輒屏去親

屬飲食衣藥悉聽於神死者甚衆竦索部中得巫一千九百餘家毀其淫祀以聞朝廷詔江淮以南皆嚴禁絕知襄州歲饑發公廩募富人出粟常全活數萬人賜詔褒諭

按竦爲王旦所薦而時論鄙之然諫止符瑞工役則贊於阿附天書者遠矣至毀淫祀活飢民亦利民事也

王德用字元輔父超趙州人太宗尹京召隸幕下卽位以隸御龍直累以戰功進擢淳化三年遂至河西軍節度使殿前都虞候真宗卽位加檢校太傅北虜入寇從幸大名府以傅潛逗撓命超帥鎮州又領真定高陽三路於遂城遇虜斬裨王騎將十五人俘馘

二萬計手詔褒之咸平六年副帥王繼忠與契丹戰於望都縣而超不赴援繼忠遂陷虜景德初上駐蹕澶淵名超赴援又行頗緩虜遂深入會通和好止罷三路帥卒於青州年六十二贈侍中子德用德基德恭超爲將善部分御下有恩與高瓊同典禁旅常因休沐過營壘軍校不將迎瓊命筆之超曰若緣按習可懲其不肅今不宿戒何名責之人稱其恕至道二年遣將五路伐繼遷超將兵六萬趨援夏州德用從行爲先鋒年纔十七部萬人戰鐵關斬獲甚衆進師

烏白池它將失道虜勢頗銳超持重不進德用以精兵五千轉戰三日虜遂却乃領衆要其歸路距夏州五十里先據要害下令曰敢亂行者斬一軍肅然超亦爲之按轡繼遷引避之以功授內殿崇班累擢至觀察使明道二年以檢校太保簽書樞密院事是年改樞密副使景祐二年同知樞密院事實元元年加宣徽南院使二年罷以嘗令知府州抗繼遷市馬爲王沂所發初蘇紳言德用貌類藝祖宅枕乾岡上匿其疏旣而孔道輔又以紳之言劾奏之降千牛衛上

將軍知隨州慶曆二年復留後加節度使又復宣徽南院使進使相踰年以太子太師致仕復起判鄭州至和元年樞密使同平章事嘉祐元年請老以魯國公為景靈宮使卒年七十八贈太尉中書令諡武恭子咸熙咸融咸度咸英咸康德用判澶州常迂虜使劉六符六符曰此歲大熟非仁政所及邪曰明天子在○上豐年乃其常矣○至和末富弼為相契丹使來命德用伴射虜使曰天子以公典樞密而用富公為相可謂得人矣○上聞之賜德用御弓一矢五十

原上罷作止
罷遷作宜

狄青字漢臣汾州人初為騎御馬小底後隸拱聖軍選為散直元昊叛擇青為延州指揮使前後二十五戰中流矢者八常破金湯城略宥州屠囂咩歲香毛奴尚羅等族燔積聚數萬收族帳二千餘生口五千餘又城橋子谷築招安等堡寨以功遷至澶州刺史累擢加節鉞皇祐四年樞密副使以宣徽南院使宣撫荆湖南北經制廣南東西路盜賊五年平廣源州蠻農智高還復樞密副使是年陞樞密使嘉祐元年以言者謂青家數有光怪罷為使相河中尹知陳州

後發疽卒年五十贈中書令諡武襄子諒詒諫讓
說初韓琦范仲淹經略陝西見青皆器過之尹洙亦
謂青有良將才青慎密寡言其計事必審中機會而
後發行師正部伍明賞罰雖敵在前士卒無敢後先
者故所向必有成功仁宗聞其在陝西數戰勝欲召
見問其方略適虜寇平涼止命圖形以進久之方大
用而智高起廣源州破邕及沿江九州上憂顧左右
未有可屬者青上表請行明日賜對且言臣起行伍
非戰伐無以報國願得蕃落騎兵數百益以禁卒當

羈賊首致闕下上壯其言遂授以將鉞宴垂拱殿遣
之先命孫沔余靖為安撫使討賊未克故又用青青
至合沔靖三將兵次賓州原本避英宗諱作曉
按其金城驛遇賊不戰之罪及殿直袁用等三十一
人悉戮之軍士震恐遂下令止具十日糧明日絕崑
崙關出歸仁鋪先布陣成列而賊以覘者之誤來獨
後遂失險乃悉眾逆戰前鋒孫節戰死山下而賊勢
方銳青躬執白旗麾騎兵進縱左右翼出其意外賊
眾大潰斬首二千二百級獲偽官五十七人智高夜

卷一 六

縱火焚城而遁詰朝青入按城中獲金帛鉅萬馬牛
 數千築京觀城之北隅招復俘脅者七千二百使還
 其家初所獲有衣纈金龍者衆謂爲智高青曰安知
 非詐寧失智高朝廷不可誣也後智高果不死人服
 其詳慎尹洙以貶死青懷知己常矧恤其家

原本進作衆從
 雖識正之

高若訥字敏之并州人十歲喪父寓家衛州因居焉
 天聖二年登進士第累擢天章閣待制權御史中丞
 慶曆七年樞密副使皇祐元年參知政事三年樞密
 使五年罷除觀文殿學士兼翰林侍讀學士同羣牧

制置使判都省卒年五十九贈右僕射諡文莊御篆
 其碑額曰儒賢之碑有文集二十卷子彥輔保衡安
 石吉甫元規若訥苦學強記古今傳記莫不徧閱於
 申韓管子之書尤其所好亦習醫書雖國醫相與評
 論必爲所困然拘古方書以升量湯劑多過而用性
 溫平藥治疾少効特以博覽強辨取勝耳皇祐間累
 詔參定尺以制鍾律論久不決若訥以漢貨泉度一
 寸依隋書定尺十五鍾上之初若訥知棣州商河縣
 縣多窪田舊令或假民工種以治之若訥獨棄而不

耕知諫院時范仲淹論呂夷簡過失貶知睦州余靖
尹洙亦繼被黜歐陽修移書責若訥阿附宰相而不
言若訥忿而繳奏其書修謫夷陵令而若訥遂爲時
論所鄙權御史中丞宰相賈昌朝與叅知政事吳育
數爭事上前明年春早上詢所以若訥遂引洪範以
謂大臣不肅而雨不時若昌朝育因是俱罷若訥卽
大用公議亦短之惟盜起甘陵議者多欲招降獨若
訥言河朔重兵所聚若釋不討後且啓亂爲夷狄笑
於是始議定人以爲當

原本棟作隸附作輔

正况字元均其先京兆人後徙居信都石晉之亂祖
行周陷北虜景德初虜復內寇以所略數百人屬其
父延昭悉縱之因亦遁歸累官至率府况初舉進士
賜同學究出身不就天聖八年登進士第又舉賢良
方正科八等累擢知制誥龍圖閣直學士龍圖閣學
士翰林學士兩爲三司使至和元年樞密副使嘉祐
三年樞密使四年以疾免除尚書左丞觀文殿學士
以太子少傅致仕卒年五十九贈太子太保無子以
弟之子至安爲後初况從夏竦辟爲陝西經略判官

叅都總管諸將悉兵擊賊况極言其不可乃止又言
 所以給邊者十四事多見聽用在三司約景德會計
 錄以今財賦所入多於景德而其出又多於所入著
 為皇祐會計錄上之冀以悟上庶更立經制使民充
 實而縣官有餘用焉况之為人寬厚明敏與人若無
 不可而非義不可干也於天下事小利近功則置而
 不論所及必朝廷先務而可以利民者有奏議三卷
 著好名朋黨二論常知成都府自李順王均之亂蜀
 守皆得便宜從事雖或小罪并其家內徙流離道路

失所者頗衆况察其非有甚惡釋之又聽斷之明蜀
 人以比張詠

原本充作完用焉作用者

包拯字希仁廬州人天聖五年登進士第舉擢天章
 閣待制龍圖閣直學士權三司使嘉祐六年遷給事
 中正三司使數日拜樞密使遷侍郎辭不受七年薨
 於位年六十四贈禮部尚書諡孝肅子繼初拯以大
 理評事知建昌縣辭以親年高改和州管庫而親不
 欲去鄉里遂解官就養及親亡廬墓側終喪不忍仕
 久之知揚州天長縣有訴盜割牛舌者拯曰第殺而

○湯云按言行錄作何為割某家牛○舌而又一告○之

○形○甚 齋之俄有告私屠牛拯曰已割其舌矣非私殺也盜

色變遂引伏嘗使北虜虜典客曰雄州開便門欲誘

○○ 納叛人刺候疆事邪拯曰誠欲刺之自有正門何必

○○ 便門也此豈嘗問涿州門邪虜有沮色為御史言諸

道轉運加按察使之名以苛察相尚奏劾官吏更倍

於前皆据撫細故使吏不自安詔為罷之除陝西轉

運使既行數日有他路監司對而求章服者上不悅

因傳宣中書曰包拯使陝西未嘗自言也可齋三品

服賜之及知諫院數論斥大臣請罷一切內降又錄

唐魏鄭公三疏請置座右及別條七事言明慎聽納

辨別朋黨愛惜人才不主先入之說蕩去疑法條責

臣下牽錄微過其論甚美在陝西奏罷斜谷務造船

材木十萬及罷七州河椿竹索數十萬奉使河北言

牧馬占邢洛趙三州沃壤萬五千頃悉請以予民從

之知瀛州除放一路所負回易公使錢十餘萬仍奏

諸州毋得回易公使錢遂為著令開封舊制訟牒令

知牌司收之於門外拯知府開門使徑至庭下辨曲

直京師大水拯以勢家多置園第惠民河上歲久堙

原說作沿壞

塞遂盡毀去。宦者僞增地契步數，悉奏劾之。權貴爲之斂迹。權中執法，請立皇嗣陳教養宗室之法。責諸路監司聽御史府自舉屬官。諫官御史不避二府薦舉。兩制得至執政。私第減一歲休暇日，皆施行。及攻罷張方平三司使，而除宋祁拯。又屢擊祁在蜀宴飲過度，遂除拯三司使。翰林學士歐陽修疏拯所奪蹊田之牛，罰已重矣。又貪其富，不亦甚乎。拯居家避命者久之，在三司和市上供物，以革科率之擾。其爲人不苟合，未常僞辭色以悅人。平居無私書，故人親黨

亦皆絕之。人多憚其方嚴。雖里巷婦人穉子，莫不知

其名。仕至通顯，奉已儉約，如布衣時。少爲劉筠所知。

筠無子爲奏，其族子爲後。而請還其所沒田廬。

原府字在開字上

孫沔字元規，越州人。天禧三年登進士第，累擢天章

閣待制、龍圖閣直學士、樞密直學士。皇祐五年，樞密

副使。至和元年，罷爲資政殿學士。知杭州，加大學士。

徙青州，又進觀文殿學士。移并州，諫官御史吳及沈

超彈奏沔在杭并不法事，移壽州。按實如奏，責寧國

軍節度副使。復光祿卿，分司南京。會恩除知濠州。以

禮部侍郎致仕英宗卽位起爲資政殿學士知河中府又復觀文殿學士知慶州徙延州卒年七十二海爲吏有才力在言職以直稱知慶州三司所給特支物惡而估直高軍人有語而優戲及之洵曰妄言搖衆驅出命斬之諸將爲請猶杖配嶺南明日散特支羣情帖然自明州徙秦州仁宗勉以邊事對曰秦州不足畱聖慮陛下當以南方爲憂明日報蔣偕陷賊上謂輔臣曰南事如孫洵所料遂以屬之在杭并淫恣貪暴杭州黜配人以百數及徙青州皆竊其文案

以行而訴者無以自解慶曆初監司稱寬弛故加轉運司按察之名自是雖將相大臣出守方郡者不免窘辱遂罷去按察稍抑其權而嘗歷要官者輒復輕肆及洵之罷監司皆坐黜未幾真定呂溱復以罪廢而居方面者始不敢慢法守焉

宣徽使

咎居潤字廣川魏郡高唐人少有氣節常爲後唐樞密院小吏景延廣畱守西洛補爲右職契丹犯闕以兵圍延廣家故吏悉避去特居潤力爲全護時論多

之仕周。至宣徽南院使。建隆初，仍舊職。是年，除義成軍節度使、檢校太尉。卒，年五十九。贈太師。
張美，字玄生，清河人。少爲三司小吏。周世宗建節鎮寧，美掌郡財賦。卽位，累擢左領軍衛大將軍、三司使。久之，除宣徽南院使，仍領三司使。李筠鎮上黨，美度其必叛，潛於懷孟多積芻粟。建隆初，美亦以宣徽使居三司如故。李筠叛，太祖親征，糧運有備，美有力焉。以功，除寧國軍節度使、鎮同州。五代以來，官給錢民閒，長吏十取其一，謂之率分錢。美至同州，官市木，美

不受率分錢。宋興，始革其弊。諸郡尚或未悛，旣而有訴其事者，皆坐責，而美獨免。太宗朝，授美環衛官，因求致仕，卒。

潘美，字仲洵，魏郡人。少倜儻，常謂其里人王密曰：漢代將終，兇臣肆虐，四海有改卜之志。大丈夫不於此時立功名，取富貴，與萬物共盡，可惜也。仕周，至客省使。太祖與美素相厚，受禪命，諭旨中外。陝帥袁彥兇悍，上懼其有變，詔美監其軍，俾圖之。美至，諭以天命。彥遂入朝，上言：潘美不殺袁彥，而彥朝覲，成我志矣。

上親征李重進以美為揚州巡檢錄功除團練使湖南既平授美潭州防禦使劉鋹數侵湖湘美擊走之溪峒蠻獠自唐以來為居民患美亦討平開寶三年命美征嶺南以尹崇珂副之由賀州進兵相繼破賊數十萬衆俘斬不可勝計遂擒鋹至闕下又平樂範等所據容韶五州之地嶺表遂安詔與崇珂同知廣州七年冬詔與曹彬率師伐江南江南平九年除宣徽北院使太宗卽位改南院太平興國四年親征劉繼元降因命美鎮太原三交西北二百里地號故軍

最險阻戎人之咽喉也美帥師襲之虜衆遂遁美安撫至代郡適戎人萬數攻近塞美誓衆衝枚大破之俘獲甚衆雍熙三年詔與曹彬崔彥進傅潛等北伐美獨拔寰朔雲應四州有旨護其民內徙虜復至楊繼業戰歿於陳家谷口詔削三官四年復舊未幾加太師又兼同平章事封韓國公卒年六十七贈中書令諡武惠

原本懜訛著美亦討平美字作承十萬作千萬詔與作詔及寰朔雲應四州作寰應雲州脫朔四字與楊業希及新編通鑑俱不合

郭守文字國華太原人父暉戰歿守文方十四歲哀毀過人周擢為東班副使開寶中從潘美征嶺南又

從曹彬拔金陵彬遣護李煜赴闕煜無生意守文語之曰國家止希漢武之開疆豈責防風之後至也煜遂釋然守文以戰功累擢至武州團練使雍熙四年除宣徽北院使端拱元年出爲鎮州路都帥加南院二年卒年五十五武夫悍卒皆爲流涕守文善撫士卒所得俸祿悉以宴犒死之日家無餘資先是諸將邀功生事自岐溝君子館之敗朝廷患之以守文知書而沈毅有謀故自近臣付以邊任上聞其卒深所嗟惜

雷有終字道成工部侍郎德驥之子以父任授官初任兗州萊蕪縣尉發知監劉琪姦賊卽代其任遂累加進擢李順之亂爲荆湖夔峽轉運使至廣安軍夜遇賊衆圍旣合有終引奇兵從後擊之赴水火死者不可勝計久之除諫議大夫知成都府次簡州寓佛舍度賊之至命左右重閉士人嚴更備初夕聞道而去賊果圍寺牆壞止得擊柝者咸平二年王均叛除觀察使復知成都府旣至而均僞開城若將遁有終及上官正石普徑馳入賊閉關伏發僅墜堞而免乃

築壘城北。焚城樓。均始遁。石普、楊懷忠襲至富順監。獲之。蜀平。遷雷後。景德二年。擢宣徽北院使。卒。贈侍中有終險側。喜攻人過失。有吏幹善撫士卒。

原本作堞

李用和字審禮。章懿皇后之母弟也。少困窮。劉美得之於民間。奏以為三班奉職。章懿薨。特除禮賓副使。累擢節度使。殿前副都指揮使。以老乞罷軍職。除宣徽北院使。慶曆五年。改南院。加使相。進檢校太尉。兼侍中。卒。年六十二。贈太師。中書令。追封隴西郡王。子珣、璋、琚、琦、瑛、瑊、瑋、球、玘、瑋。尚福康公主。用和起民間。

以帝舅位將相。○感○晚○大○賢○
○心○避○權○勢○公○使○錢○正○任○以○上○許○私○
用而用和悉以為軍費不入其家。

郭承祐字天錫。開封人。娶華王元偁女永定郡主。授供奉官。累擢至建武軍節度使。皇祐元年。除宣徽南院使。同羣牧制置使。出判應天府。徙亳州。諫官御史劾奏承祐在應天府擅批宣頭。雷上供糧米及擬翰林所使用器。出入狂僭。落宣徽使。卒。年五十九。贈太尉。諡曰密子士遜。士逸。士達。士達承祐驕侈。狡獪。所至多興作為。煩擾。又好言事。指切人過失。時謂

之武諫官判許州蘇舜元為轉運使薦其有將帥才
古今薦贖中龔黃何多也
其政如龔黃上謂大臣曰承祐庸人而外臺薦之如
此何所取信哉

張堯佐字希元河南人溫成皇后之從父也天禧三
年登進士第累擢天章閣待制權知開封府加龍圖
閣待制直學士權三司使遷禮部侍郎正除三司使
諫官御史言堯佐主大計諸路困於誅求內帑疲於
借助上方祀明堂召問經費如何對曰事已辨矣賜
詔褒諭皇祐二年除淮康節度使羣牧制置使宣徽

南院使景靈宮使御史中丞王舉正諫官吳奎等彈
奏恩寵太過以至留百官班廷議遂罷宣徽及景靈
宮使三年復以為宣徽南院使徙天平節制卒年七
十二贈太師子吉甫山甫中甫寇甫正甫隱甫師甫
元甫儀甫堯佐憑戚里以進無可稱者

此何所取信哉

元甫謝甫表並懇懇里以並無河漚芥
十二餽太嗣子吉甫山甫中甫深甫五甫
宮對三羊對以氣宣謝甫對對天平
奏恩齋木斷以至留百首班我齋教
南對對景靈宮對對中丞王舉五齋官
吳奎等對

隆平集第十二卷

宋曾文定公編撰 南豐後學彭斯訂

王後

周鄭王名訓世宗長子顯德六年六月封梁王世宗崩即皇帝位明年正月六軍擁戴太祖而王遜居西邸封國於鄭建隆三年王徙房陵開寶六年薨年二十一知制誥張澹請諡曰恭皇帝陵曰順陵周自辛亥歲建國至己亥而禪位三主共九年

偽國

越吳

錢俶字文德名上字犯宣祖廟諱故止稱下一字祖
鏐曰吳越武肅王父瓘曰文穆瓘卒子佐繼佐卒以
弟侖繼侖為牙校胡進思所廢俶時鎮浙東遂渡江
襲偽位漢授以東南面兵馬都元帥領鎮東軍節制
封吳越國王至周以天下都元帥處之宋興改大元
帥開寶八年征江南為招撫使江南平與其妻子來
朝待以優禮賜劍履上殿詔書不名封其妻孫氏為
妃宰臣言自古異姓諸侯王妻無封妃之制太祖曰

行自我朝何拘舊典太平興國三年四月復來朝而
陳洪進繼至洪進先納土俶不自安亦上章以國歸
有司改封淮海國王子惟濬惟治並除節制諸子弟
族人及其將佐或牧守有差錢氏五主共八十一年
俶以天下既平八年求去元帥之稱從之雍熙間改
封漢南南陽二國既又辭國號改封許徙鄧俶唐天
成四年八月二十四日生端拱元年八月二十四日
薨年六十進封秦國王諡忠懿為太師中書令者四
十年任元帥者三十年近世處富貴者未有其比俶

崇信釋教性謹未常忤物

子惟演字希聖。做第十四子也。幼有俊才。做常使賦遠山詩。有高爲天一柱。秀作海三峯之句。做淡器之初。補職牙門。累遷左神武將軍。咸平中。獻文。召試學士院。上覽所試。稱善。特授太僕少卿。累擢知制誥。翰林學士。坐爲人於開封府請求奪職。久之。復學士。天禧四年。爲樞密副使。仁宗卽位。除樞密使。太后稱制。宰臣馮拯以惟演太后姻家。請出之。除節度使。知河陽。請覲。加使相。判許州。屢徙藩鎮。鬱鬱不得志。及耕

籍田。求侍祠。畱爲景靈宮使。太后崩。還河陽。請以章獻太后章懿太后同配食真宗廟。御史中丞范諷劾奏。惟演擅議宗廟。落平章事。改鎮崇信。卒年五十八。特贈侍中。惟演少富貴。能志於學。有文章。與楊億劉筠齊名。常曰。學士備顧問。不可不該博。故其家聚書。侷於祕府。又多藏古書畫。在館閣。預修策府元龜。凡千篇。特詔與楊億分爲之序。其爲人少誠信。初附丁謂。力排準。其後逐謂。亦與有力焉。所著有典懿集二十卷。樞庭擁旄前後集。伊川漢上集。金坡遺事錄。飛

白書序錄逢辰錄奉藩書事子暖晦昕昉曦昞晬
耽喚曜

原本獻作憲

泉漳

陳洪進字濟川其先泗州人曾祖爲閩官遭亂因家
泉州仙遊縣唐光啓中賊帥王潮陷泉州以福州觀
察使王審知爲副潮卒審知據其位梁冊審知爲閩
王二十九年而卒其子延翰繼踰年而被弑其弟延
鈞襲八年遂僭帝號十一年卒子昶嗣被逐而叔延
義立以其弟延政爲建州刺史旣而背命僭號商國
六年閣門使連重遇推客省使朱文進以奪其位復

號閩國時石晉天福七年也文進以黃紹頗爲泉州
刺史程贊漳州刺史許文稹汀州刺史泉人念王氏
爲羣逆分據冗員指揮使留從効王忠順董思安以
氣義相附謀復王氏於是募敢死士五十人而洪進
與焉夜擒紹頗害之立延政從子繼勳而從効忠順
思安爲統帥洪進爲指揮使繼勳欲送紹頗首於建
州奉延政爲主而道阻賊盛莫敢往者獨洪進請行
道遇賊語以泉福已定賊遂潰洪進至建州延政大
悅旣而程贊立延政從子繼成許文稹又以汀州降

陵七年而死景嗣以宋齊丘周宗爲相僭郊祀禮遣將校侵福建漳泉之地河中李守政叛永授而景應之聞其敗乃還周初下長沙復失之方中原多事盧文正李金全皇甫暉之徒南奔景據江淮三十年國力富盛潛有窺神器之意聞世宗克揚州始懼而盡割淮南地歲餘盡去僭號旣而忿躁乃殺宋齊丘陳覺李正古及太祖登位益懼遂徙都南昌景死煜嗣表請追尊景立帝號太祖許之廟號元宗及陵名亦稟而後定自是朝廷始改書爲詔制西蜀嶺南雖平

而江南貢奉不絕故未欲加兵乃遣使諭令入朝煜稱疾而松江繕兵備始命曹彬潘美征之初樊若冰獻采石磯浮梁計上從之煜語張瑄瑄曰古來有之煜曰兒戲耳橋成王師薄城而煜不知也時煜以兵柄任皇甫繼勳以機事屬陳喬張垧傳詔內殿者徐元瑀徐元瑜乃衍邊書告急元瑜等皆匿而不通及兵圍城煜驚且怒而殺繼勳焉陳喬張垧常相謂當死社稷及城陷喬獨死之垧從煜歸朝後至執政喬字子喬豫章人煜以爲門下侍郎兼樞密使煜所遣

拒王師皆非習武事者其將帥多佩符印人傳以為
 笑及戰皆不復還城垂陷太祖猶遣諭曹彬令招撫
 之煜惑左右之言卒至就擒開寶九年至闕免官露
 布特授左千牛衛上將軍封違命侯太宗即位加特
 進改封隴西郡公卒年四十二追封吳王自昇至煜
 三主共三十九年而失國子仲寓官至刺史寓之子
 正言

原本克此知行作術

北漢

劉繼元其母劉崇之女適薛氏生繼元及其兄繼恩
 劉崇漢祖之母弟也為太原尹隱帝遇害漢太后遣

馮道迎崇之子贊於徐州欲使襲漢位少尹李瓌語
 崇曰觀郭公用心當自取之不若以兵至孟津觀變
 俟徐州踐祚則無可疑矣崇怒以為瓌欲離開父子
 并其妻殺之且表其事而周祖已登位崇遣人乞贊
 歸藩始知贊死矣乃為瓌立廟遂僭帝號重幣結契
 丹如晉祖約為父子契丹策崇為大漢神武皇帝崇
 死子鈞繼鈞結李景孟昶為助仍求援於李筠初漢
 祖以鈞無子命育繼恩為嗣鈞卒繼恩襲而為侯霸
 榮先所殺郭無為遂援立繼元太祖常遣詔諭繼元

無爲各許以節制繼元因疑無爲而無爲復勸使効
順又欲叱兵出戰及王師注水其城遂殺無爲以狗
無爲棣州人博學有詞辨初隱武當山爲道士鈞以
諫議大夫起之太平興國四年太宗親征不欲屠城
城垂破繼元始降自崇僭號至繼元失國凡二十九
年繼元殘忍臣下多被族誅未敗時太宗先命郭進
斷契丹之援於石嶺關進至虜衆果來進擊走之繼
元猶以蠟丸帛書求救於虜進得之以狗城下及降
上宥其罪授右衛上將軍檢校太師彭城郡公賜第

京師歲時霑賜甚厚又以房州爲保康軍授繼元節
制卒贈彭城郡王遺奏以六歲子三猪爲託上哀之
厚卹其家

因原本作以

西蜀

孟昶其先太原人父知祥尚唐莊宗妹莊宗遣郭崇
韜魏王繼岌平王衍以知祥爲成都尹充節度副使
莊宗及禍明宗爲送公主并二子入蜀安重誨用事
以李嚴爲西川監軍使圖之知祥遂殺嚴而結束川
帥董璋婚媾謀據劍南旣而明宗誅璋之家遣使諭
之知祥伐蜀出於安重誨重誨旣伏誅知祥乃上章

謝罪璋疑其貳遂以兵襲知祥璋敗知祥表其事朝廷卽付以兩川封爲蜀王許行墨制明宗崩卽僭號盡得王氏故地知祥卒昶繼立建隆末昶潛結太原劉鈞爲援謀起兵乾德二年十一月詔以昶與河東劉鈞蠟丸帛書將起兵故遣王全斌崔彥進王仁贍曹彬等分路伐蜀所至皆克三年正月十三日全斌次魏城昶上表請降自出師六十六日而兩川平計知祥割據至昶失國凡三十二年晉末光德亂華中原多事昶負固西南驕縱滋甚聞世宗來秦鳳始有

懼意寓書世宗講鄉里之好世宗怒不答愈不自安多積芻粟以鐵爲錢禁民私用鐵而自鬻器用以專利民甚苦之以其子元喆爲太子王昭遠伊審徵韓保正趙崇韜分掌兵柄其母謂昶曰吾見莊宗及汝父時非有功者不使主兵故人皆畏服樂爲之用昭遠微賤特汝初學時給事左右而其餘皆世祿子驟置人上其誰敢言以吾料之惟高彥疇汝父舊人當不誤爾昶不聽其後高彥疇以夔州不守遂死之他悉爲降虜昶至闕特授開府儀同三司檢校太師兼

中書令秦國公卒年四十七追封楚王昶死其母不
 哭子元喆除節度使元珪右千牛衛上將軍弟仁贄
 仁祐仁操竝環衛官初王師將及境昶遣元喆率師
 守劍門自成都攜妓樂嬉戲而行聞劍門已破遂遁
 歸昭遠成都人少貧為僧童知祥因飲僧昭遠從至
 知祥見而留以給事昶昶立擢知樞密院兼節度使
 王師入境昶命總兵拒戰昭遠攘臂曰是行也豈止
 克敵當定中原矣執鐵如意指揮軍事自比諸葛亮
 及趙崇韜敗昭遠遂竄匿東川民舍猶誦羅隱渾失

英雄不自由之句遂為追兵所執人皆笑之歸朝至
 節度使卒昶之宰相李昊在王衍時為翰林學士常
 草衍降表及歸朝授工部尚書

原本徵作正祿作錄

南荆

高繼冲曾祖季興渤海裔人唐末荆南司馬張環逐
 其節度使陳儒自稱留後環敗而季興守荆南梁開
 平初遂據有其地封秦王卒諡武信子從誨後唐天
 成三年襲偽位封南平王卒諡文獻子保融漢乾祐
 五年襲封平王卒諡正懿無子建隆元年其弟保勗
 嗣立從誨於諸子中最愛保勗雖甚怒見之則釋然

荆南人目之爲萬事休。建隆四年保勗卒。子繼冲正月襲位。二月王師援湖南。道出荆南。繼冲請舉族歸朝。自季興至繼冲五主。凡五十七年而失國。乾德三年改授繼冲徐州大都督長史武寧軍節度使。封渤海郡侯。鎮彭門。僅十年卒。年三十二。贈侍中。繼冲久以國歸朝廷。其祕書監孫光憲因王師至荆南。而以理論之。俾獻三州之地。光憲有學術歸朝。特授黃州

刺史。

原本季訛李

五代史作劉安仁

漢南

劉鋹五世祖仁安唐潮州刺史。其子孫因家嶺南。宰

相韋宙以其兄之女妻仁安之子謙。謙生隱。謙仕至封州刺史。昭宗時以嗣薛王知柔鎮廣州。表隱爲司馬。委以兵柄。宰相徐彥若卒。遺奏請除隱。留後隱厚賂梁祖。求爲郎。除南海節度使。梁祖開平初封隱南平王。隱卒。弟昉襲僞位。時邕州葉廣略容州龐巨源交州曲承美皆自擅兵賦。而昉并之。遂盡有嶺表之地。聞錢鏐封吳越王。正明中昉遂僭稱帝。國號大漢。改元乾亨。更名巖。又更龔。更龔龔之字無所出。龔性酷暴。行炮烙剝剔截舌灌鼻之刑。爲玉堂珠殿。飾以

原本音儼

金碧翠羽見北人必自言世居咸秦恥爲南蠻主呼
中朝止曰洛州刺史龔卒子玠爲弟晟所弒而晟自
立造鑊湯鐵牀聞湖南馬氏兄弟之隙遂遣兵取桂
林柳賀之地晟卒子儀嗣儀委政鬪宦後宮亦令冠
帶預政其臣有小過或將大用則加以宮刑及將至
敗也星多北流知星者以爲北歸之祥初龔命曰者
筮國祚遇復之豐曰將五十五年乎自梁正明三年
龔僭號開寶四年儀國亡其數無差又龔先名龔有
術者筮曰後必有此姓者收國事及儀用龔澄樞李

托皆爲內太師薛崇譽開府儀同三司儀以托二女
爲貴妃美人澄樞爲儀置酷法之具因以敗國儀至
闕宣露布訖命盧多遜詰儀翻覆之由儀對曰臣年
十六而僭位龔澄樞等皆先臣舊人臣不得專遂命
戮澄樞托崇譽於千秋門外而釋儀罪授右千牛衛
上將軍封恩赦侯卒年三十九贈太師追封南越王
儀口辯性巧帝以珍珠結戲龍於鞍勒以獻尚方工
伎莫不駭伏太祖歎曰儀至京師猶規什一之利移
此心計治其國豈至滅亡耶儀在僞邦於海門鎮募

採珠卒二千號媚川都。以石鑿足而下有及五百餘尺。而後得珠。則引縷而出。氣不屬。且死者不可勝計。所積盈府庫。而其求無厭。及敗。悉以焚棄。潘美猶於煨燼中得其餘。以獻之朝廷。於是太祖詔廢媚川都。仍禁民間不得以採珠為業。

原本曰著下脫筆字筮曰作曰。茲國亡國字原作白邦作邪。

南湖

周行逢朗州人。少亡賴。犯法隸軍籍。久之為裨校。唐乾寧初。馬霸圖盜據湖南地。自置郡守。以下官廣順初。馬希萼與弟希廣爭國。率蠻軍殺希廣而自立。又為其將陸孟俊所遷。而立弟希崇。因求援江南。李景

道邊鎬赴之。馬氏舉族俘於建康。景以鎬帥潭。而朗州軍亂。推牙將劉言為帥。以行逢為都校。因上章。李景求旌鉞。不許。言遂遣行逢帥舟師陷潭州。邊鎬遁去。因據其城。言請移潭治朗。周祖即以言帥朗。以王進達帥潭。顯德中。裨將潘叔嗣害進達。請行逢帥朗。行逢至。戮叔嗣。以徇。世宗因除行逢朗州大都督。武平軍節度使。兼侍中。自是盡有湖南地。建隆初。加中書令。行逢善用人。盡心民政。其婿求補吏。以耒耜與之人。服其公性多猜忌。喜殺戮。將終。謂將校曰。吾死

○甚○

張文表必叛公等強勉護吾兒既而文表果舉兵滅周氏其子保權年十一乞師朝廷詔慕容延釗李處耘率師赴之而保權已平文表王師始至遂嬰城以拒城破竄匿民間太祖以其年幼政不由已詔尋訪赴闕保權上章待罪釋之授右千牛衛上將軍累遷至左羽林統軍卒

原本以言上無即字達並作達

錢俶所獻州十三縣八十七戶三十三萬四千九百三十二口七十二萬四千七百一十一萬五千三百六

陳洪進所獻漳泉二州十二縣共管戶一十一萬二千一百二十七

曹彬平李煜得州十九軍三縣一百八戶六十五萬五千六十五

太宗皇帝親征太原劉繼元得州十縣四十一戶三十萬五千三百二十

王全斌平孟昶得州四十五縣一百八十九戶五十三萬四千二十九

高繼冲所獻州三縣一十五戶一十四萬三千三百
潘美平劉鋹得州四十一縣六十五戶七萬五千一
百三十九

李處耘慕容延釗平周保權得州十四縣五十八戶
九萬七千三百八十八

右八國共得州軍一百四十五縣五百七十五

止

隆平集第十三卷

宋曾文定公編撰

南豐後學彭期訂

侍從

張昭字潛夫河閒人舊名昭遠避漢祖諱故去其下
字十歲誦書數十萬言及長經史罔不該洽仕後唐
至中書舍人在周為兵部尚書建隆初遷吏部尚書
未幾以本官致仕開寶末卒嶺南平太祖遣就家問
獻俘之禮昭臥疾口占皆有所據當時服其博記昭

所修有後唐莊宗實錄及功臣列傳周祖實錄續唐
愍帝漢隱帝實錄又撰漢六廟謚冊樂章在晉爲翰
林學士日常與呂琦崔稅集唐義寧終天祐末史成
書二百卷

扈蒙字日用范陽人與從弟載皆以文學顯鄆杜閒
有道士魚又玄善知人常謂蒙曰君家兄弟當繼典
誥命其後皆驗蒙仕周已居顯宋興亦入翰林爲學
士積官至工部尚書卒年九十二贈右僕射自張昭
竇儀卒朝廷典故儀制皆蒙所裁定博洽長厚多笑

雖侍上前亦不能自止

陶穀字秀實邠州人北齊尚書令唐邕唐內史侍郎
唐儉皆其遠祖姓因避晉祖諱而更爲陶遂不復其
舊父煥唐末仕至刺史爲邠州帥楊崇本所害穀隨
母育崇本家幼有俊才漢相李崧奇之自單州判官
擢爲集賢校理未幾遂知制誥在周爲翰林學士承
旨宋興歷禮刑戶部三尚書卒年六十八贈右僕射
宋之南郊法物制度皆其所定博記美詞翰滑稽好
大言佛老之書陰陽之學亦能詳究傾險巧詆爲時

論所薄其進緣李崧崧之及禍穀自謂有力焉周世

宗名魚崇諒為學士未至穀譖以為顧望世宗遂令

新編顧望下作世宗頗疑之

原本作劉宗而遂

代其任世宗語趙上交多謁告穀乃及其受門生名

園事而上交被黜若是者蓋不可徧錄

戒綸字仲言應天府楚丘人篤於古學喜談名教太

平興國八年登進士第父同文宇文約幼孤事祖母

以孝聞從邑人楊懿受經懿隱居不仕而以女弟妻

同文遇疾因託以家事同文為葬其三世之未葬者

遭世喪亂亦不復仕聚徒講學相繼登科者五十六

人踐臺閣者亦至十數尚信義喜賙人急所與交皆

當世之名士楊徽之因使至郡多所酬唱及卒徽之

及其門人追號曰堅素先生長子曰維仕至戶部郎

中綸其次子也大中祥符二年應天府言民有曹誠

者即同文舊居廣舍百五十楹聚書千餘卷以延學

者真宗嘉之賜名曰應天府書院命綸之子奉禮郎

舜賓主之補試為府助教綸與兄維友愛甚至真宗

初置龍圖閣待制首以任綸久之進樞密直學士大

此段談當時忌諱事○渾○雅○徽○尤○史○筆○

中祥符初祥文薦降歌頌日興綸恐流俗託朝廷嘉

○擅○長○處○本○史○公○無○此○等○舍○蓄○也○瑞事詐為靈木石之異幻惑愚衆如少君樂大者

上疏亟論上嘉納之出知杭州發運使胡則李溥惡

其修潔相與摺撫徙揚徐青鄆州復為勸農使王遵

誨李仲容所誣奏謂常訕朝廷降太常少卿分司卒

年六十八

原本靈上疑脫神字感虞部墓誌號素

徐鉉字鼎臣廣陵人十歲能屬文與韓熙載齊名江

東謂之韓徐仕李煜至吏部尚書歸朝屢遷至散騎

常侍坐累貶邠州行軍司馬卒年七十六鉉恬淡無

矯偽不喜釋氏而好神怪有以此獻者多遂其所請

布衣蒯亮事夸誕年逾九十鉉延至門下稽神錄之

事多亮之言也初自江南入使人報城陷太祖厲聲

責之鉉對曰臣為江南大臣而其國滅亡此死有餘

罪不必他問太祖歎曰忠臣也命坐賜予甚厚鉉至

京師見披毛褐者輒哂之邠州苦寒終不御毛褐冷

氣致腹疾而卒李穆常使江南見鉉及其弟錯文章

曰二陸不能及也錯死於江南鉉好李斯小篆尤得

其妙隸書亦工尺牘為士大夫所得皆珍藏之有文

集二十卷又有質論稽神錄行於世常受詔與句中

正重定說文。

楊徽之字仲猷建州蒲城人世尚武力父澄始業儒徽之少好學同邑有江文蔚善賦江爲善詩皆延置客館未暮遂與齊名聞廬山學舍盛卽往肄業周顯德中登進士甲科建隆初監方城商稅因故人出使訪問謠俗徽之爲言海內寧一宜崇儒術以厚風教太祖疑以訕黜爲天興令蜀平徙峨眉令太宗嗣位召還累擢至諫議大夫爲張洎劉昌言所誣貶鎮安軍司馬真宗尹京驛召復舊官爲開封府推官卽位

除工部侍郎兼祕書監遷樞密直學士翰林侍讀學士卒年八十無子一女適宋氏時外孫綬纔十歲特授太常寺太祝姪孫偃集皆同學究出身徽之清素重名教尚風義常言溫仲舒寇準以博取貴位使後進趨競禮俗浸薄矣與石熙載李穆賈黃中爲文義之友多識典故唐之士族人物悉能詳記尤工吟詠有集二十卷景祐二年詔以徽之先帝官僚特贈太子太師諡文莊

魏原說松台原作日

正禹偁字元之濟州鉅野人家世微賤九歲能爲歌

詩州從事畢士安見而異之勉其勤業及長善屬文
 太平興國八年登進士第太宗聞其名召試相府擢
 詞館獻端拱箴上深嘉納趙普尤器重之端拱二年
 廷試貢士詔使作歌援筆立就太宗謂侍臣曰此歌
 不踰月徧天下矣以左司諫知制誥駕幸瓊林苑召
 至御榻前顧問語宰相曰禹偁文章獨步當世其將
 大遇如此因抗疏為徐鉉雪誣貶商州團練副使久
 之復知制誥召入翰林為學士孝章皇后崩梓宮遷
 主第禹偁語賓客后常母儀天下當用舊典坐訕謗

罷職知滁州真宗卽位遷刑部郎中召知制誥咸平
 初求補外守本官知黃州卒年四十八初境內有二
 虎鬪其一死而食其半又羣雞夜鳴經月不止禹偁
 以其事聞上遣中貴人乘驛問勞且為禳醮詢日官
 云守土當其咎亟命遷鄞州力疾上道卒上聞訃
 嗟悼賜一子出身禹偁諱章敏瞻喜談世事臧否人
 物以正道自持故屢被擯斥所與游必儒雅稱獎後
 進如孫何丁謂遂名重一時有小畜集三十卷奏議
 十卷後集詩三卷

原本一集作初喜

聞計上有堂字

田錫字表聖其先京兆人唐末遠祖徙蜀因居嘉州
楊徽之在峨眉宋白在玉津延譽之遂有聲稱太平
興國三年登進士第累擢諫議大夫史館修撰知制
誥卒年六十四贈工部侍郎有咸平集五十卷錫好
學至老不倦以盡規獻替爲已任耿介寡合恭敬好
禮上疏皆焚其稿趙普作相有司受羣臣章疏必先
白而後敢進錫上書於普○切○直○以爲失至公之體真宗卽
位錫因對言舊有御覽但記分門事類不若以經史
子集爲御覽三百六十卷日覽一卷經歲而畢又取

經史切要之言爲御屏風十卷置御座側則治亂興
亡之鑒常不忘矣上詔史館借以羣書乃先上御覽
三十卷御屏風五卷其序御屏風之略曰湯之盤銘
曰德日新又日新太公之金匱云武王欲造起居之
成乃銘於几杖曰安無忘危存無忘亡熟惟二者後
必無凶墨子云堯舜禹湯書其事於竹帛琢之盤盂
曰君子福大而愈懼爵隆而益恭遠察近視俯仰有
則軒堂輿几皆有銘焉曰吾居民之上惴惴恐不及
武王尸席必有戒焉席之銘曰無行可悔尸之銘曰

名難得而易失唐黃門侍郎趙智為高宗誦孝經曰天子有諍臣七人雖無道不失其天下微臣敢以此言上獻憲宗採史漢三國以來經濟要事撰書十四篇曰前代君臣事迹書之六扇屏風置御座之右焉邢昺字叔明濟陰人太平興國初舉九經廷試日召陞殿講易二卦又取其羣經發題太宗稱其精博擢上第累擢至右諫議大夫國子祭酒咸平二年初置翰林侍讀學士昺以授昺積官至禮部尚書卒年七十九贈左僕射國朝舊制非宗室將相無省疾臨喪

禮惟昺與郭贊以恩舊上特臨問其疾為時之榮昺在東宮及內庭講孝經禮記者二論語十書十三易三詩左傳各一據經敷釋仍多引時事為喻世為農家尤悉民事上訪民間疾苦必俚語為證以專經進強為詩人多傳笑之

劉云加叔明嘗疏論語及爾雅此傳不敘者豈非以其有遜乎孔賈邪

孫何字漢公蔡州人幼嗜學為文必本經與丁謂同為王禹偁所題獎時謂之孫丁淳化三年舉進士殿試及省闈俱為第一累擢起居舍人知制誥卒年四十四性卞急常在京西兩浙轉運使頗事苛察然獨

原本然作殆

喜稱譽後進有文集四十卷子言弟僅

僅字鄰幾咸平初登進士第兄弟皆冠天下士學者榮之僅復舉賢良方正科入等累擢知制誥集賢院學士給事中卒年四十九僅端懿無競篤於儒學士大夫高其履尚有文集五十卷子和

路振字時發唐相巖四世孫巖貶死嶺外其子孫避地湖湘遂為永州人振幼穎悟十歲聽誦陰符經裁百言而止父使終業振曰百言演道足矣父異其對淳化中舉進士殿試厄言日出賦獨振知所出而交

亦典贍遂登甲科累擢知制誥詞命溫雅漢愜物論卒年五十八振淳厚無臧否恂恂如也作詩有唐人風有文集二十卷子繪

朱昂字舉之其先京兆人文葆光寓潭州遂家於衡山昂少好學有朱遵度者時謂之朱萬卷昂曰小萬卷常游廬陵遇術士謂昂曰中原當有真主矣君仕可至四品遂北游江淮時周世宗南征韓令坤統兵揚州昂謁令坤陳治亂方略令坤器之以權知永正縣正本同有政績令坤遂表授本縣令改衡州錄

事叅軍知州李昉見其文、深加歎賞、既又為薛居正所知、二人遂薦引之、太宗朝擢知水部郎中直祕閣、真宗卽位、除知制誥、入翰林為學士、屢表乞骸骨、敦諭彌確、乃授工部侍郎致仕、仍令俟秋涼南還、故相張齊賢而下皆賦詩贈行、詔從臣祖於東門、南省試貢士、遂以為詩題、第協仕至主客郎中、雍王府翊善、亦告老而歸、時以比之二疏陳堯咨、知荆南、表其居曰東西致政坊、昂所得俸、常以三之一購奇書於所居、為二亭曰知止、幽棲、自稱曰退叟、卒年八十二、門

人論之曰、靜裕先生、詔錄其孫迺、同學究出身、昂方正恬淡、十五年為洗馬、不遷、非公事不至、兩府有文

集三十卷

原本學上無好字其下闕揚字

宋白字素臣、開封人、十二善屬文、建隆二年登進士

新編字、太素、

第、又舉拔萃科、中高等、釋褐授著作佐郎、賜襲衣犀

原號授字

帶、求補外、授嘉州玉津令、久之、從太宗征太原、劉繼

元降、白獻平晉頌、太宗獎諭、還京、遂除中書舍人、賜

金紫、入翰林為學士、至道初、加承旨、真宗卽位、擬陸

贄、勝子集以獻、上察其意、希大用、遂命尹京無政事

才不任劇乃自求罷以疾請老授兵部尚書致仕進
吏部卒年七十七贈右僕射諡文安白之文頗事浮
麗而理致或不工善諧謔不拘小節典貢舉得王禹
偁田錫胡旦時謂之得人至他所取有納賂者伶人
舉爲戲言又高年不能決退多致譏誚然能贍濟親
族而恤其孤幼是亦其所長也

原本然作殆

杜鎬字文周世仕江南舉明經中選李煜任爲集賢
校理開寶末從煜歸朝太平興國初除崇文院檢討
景德初置龍圖閣待制鉉與臧綸首預其選久之除

閣學士積官至禮部侍郎卒年七十六子樞杞植椿
初鎬應舉將就試有鼠啣孝經疏置榻前鎬怪之取
以熟誦果試題出其中遂預選鎬博學善記問兄爲
法官有毀其父之畫像爲近親所訟疑不能決鎬曰
僧道毀天尊佛像似可比也兄從之衆服其審太宗
將祀南郊彗星見趙普以問鎬對曰當祭而日蝕猶
廢祭况彗乎普以白禮遂寢太祖問西漢賜予多用
黃金何近世不能也鎬曰當時佛事未興故耳真宗
卽位有司舉故事三月上巳金明池習水戲上以太

○有○學○識○者○之○言○

宗忌月問鎬鎬據唐憲宗朝奏議禮有忌日無忌月
 遂從之景德初駕自澶淵凱旋遇忌日疑軍中鼓吹
 馳騎問鎬鎬對曰武王載木主伐紂前歌後舞可據
 也上凡得古器異書必詢之皆能究其本末令人檢
 閱必某事在某書幾紙幾行未嘗少差鎬雖高年四
 鼓起誦春秋遲明且數卷日以爲常

原本且作有

杞字偉長以鎬廕將作監主簿性豪邁遇事劇易奮
 然敢爲慶曆四年廣西區希範誘白崖山酋豪蒙趕
 反自京西轉運使授杞刑部員外郎直集賢院爲廣

南西路轉運安撫使杞至宜州得州人吳香及獄囚
 區世宏往說諭之而勒兵攻破白崖昔泥九居山等
 寨及其五峒斬首千餘級復環州焚其積聚蒙趕等
 大恐隨香出降獨希範走荔波峒杞曰蠻依險阻威
 不能制則恩不能招所以數叛今特以窮蹙而降若
 啗以利後必復動乃犒以牛酒而六百餘人悉誅之
 後三日得希範醢以賜諸溪峒御史梅摯言杞殺降
 爲國失信上置而不問止戒諭之徙兩浙路明年徙
 河北路頃之擢天章閣待制知慶州蕃首孟香率千

新編作誅七十餘人

湯云殺降失信御史言之是

也安得登而不問至不以孟香還夏人處置得體

餘衆內附夏人以兵索香因劫邊戶掠馬牛有詔責
 杞還之杞言彼違誓舉兵香不可與因移檄夏人不
 償所掠則香亦不可得既而兵亦解去未幾杞卒杞
 博覽強記通陰陽術自推其數曰吾年四十九死矣
 卒如其言有奏議十二卷子劾杞之將死一日據廁
 若見蒙趕區希範叱之曰若狂僭叛命於法當誅尚
 敢來訴邪

湯敦實曰希範可醜而蒙趕等不宜盡殺然杞非有私怨其心爲國防患故雖血氣既亂而終不惑于所見 原本六百上有而字違說連

張詠字復之濮州人太平興國中登進士第累擢至
 樞密直學士御史中丞禮部尚書卒年七十贈右僕

射詠爲文尚氣不事雕飾自號乖崖公有文集十卷
 知杭州遇歲歉民私鬻鹽者輒寬之使獲安濟有與
 其姊婿訟家財者婿言婦翁疾篤子纔三歲遺書明
 言異日貲產以十之三付子餘悉與婿詠曰汝婦翁
 智人也苟以七與子子死汝手矣知益州恩威並著
 其政令法度後人不能增損知昇州州數遭火詠廉
 知民之不逞者爲之懲以峻罰其患遂息少學擊劍
 頗得其妙兼通術數好爲大言喜事奇節常有士人
 游宦遠郡不能制其僕詠假以出郊趨溪林斷其首

大奇

而還詠卞急中歲苦腦癆御下益峻不喜人拜有拜之則速拜不已或偃坐忿罵少以介潔稱晚節頗以營產侵刻失其故步

遭原作遺迤一作連

种放字明逸京兆人父卒於長安放纔七歲能屬文與其母隱於終南山豹林谷結茅爲廬博通經史士大夫多從之學得束脩以養著蒙書十卷人多傳之淳化中詔起之其母恚曰常教汝勿講學今爲人所知不復得安處我當棄汝入淡山矣放遽辭疾不應召盡焚其筆硯轉居窮寂上亦不强致而命京兆府

○成○其○言○節○

○亦不强致而命京兆府

時存問之放常幅巾短褐攜琴酒坐盤石以自適豹林谷至州郭七十里徒步從樵夫往返不以爲勞其學不喜釋氏常裂佛書以製幃帳著嗣禹說表孟子上下篇善爲歌詩自稱退士作退士傳又號雲溪醉叟咸平中母卒詔賜錢助其葬不受廬墓終制張齊賢蒞長安表其節行詔召放卽起賜對便殿授右司諫直昭文館賜居第什器大官食翌日又賜緋魚遂謁告還山間來朝覲其後又居嵩少數遣使問勞賜予久之除起居舍人擢諫議大夫祀汾陰恩加工部

禮遇古○今罕及○

原上平又作人

○更○古○

侍郎一日召從學諸生飲日與汝輩訣酒數行而卒
終身不娶無子詔錄其姪世雍同學究出身放在朝
廷有所啓奏必據經義時無知者或譏其循默真宗
乃以放議十三篇示輔臣曰放爲朕言事甚衆但外
廷不知耳其奏常焚藁故也上常欲大用之詔詢治
道放固辭晚年日縱酒西祀頓盛飾輿服或以券直
親詬驛吏頗貽譏訕放在京師王嗣宗除京兆守屢
造放不爲禮嗣宗怒語及其進取放曰不猶愈於角
方而中第者乎嗣宗試藝講武殿日常程力以冠甲

未免太甚非隱士高致

科故放及之嗣宗溪銜其言及主京兆又開乘醉慢

湯云更甚

罵嗣宗嗣宗因其弟姪强市田產與訟遣人詰責放

又條上其不法事詔問狀會赦釋因別賜第嵩山命

徙避嗣宗焉

頓原作頓復下頓字且不合盛字意

楊億字大年建州浦城人祖文逸常夢一羽衣自稱
懷玉山人覺而億生有毛被體其長盈尺踰月始墮
能言母口授以孝經隨卽記誦六歲學吟詩七歲善
屬文太宗聞之詔江南轉運使李去華以所試文同
送赴闕繼三日賜對面試詩賦五篇援筆立成時才

十一歲上大嗟賞命內侍送至中書令賦詩一章宰
臣等刻章稱賀詔授祕書省正字有進修不已砥礪
彌堅越景絕塵一日千里之句既謝卽求歸鄉里喪
父服除從祖徽之知許州往依焉徽之閒與語歎其
學問該博曰興吾門在汝矣淳化中詣闕獻文命讀
書祕閣召試賜進士出身久之除直集賢院徽之在
襄卽幕下書疏一以委億及真宗卽位累擢知制誥
景德三年入翰林爲學士母有疾謁告不俟報而行
因以疾求解官授太常少卿分司疾愈知汝州會加

玉皇聖號表請陪祠召爲寶冊叅詳儀制副使久之
遷工部侍郎知貢舉坐譴降祕書監母喪詔起復工
部侍郎翰林學士卒年四十七子紘給俸終喪景祐
元年樞密使王晦叔上億天禧四年代寇準草奏請
皇太子親政斥丁謂等姦邪事準旣逐億亦憂畏而
卒仁宗嘉歎下詔褒顯之特贈禮部尚書賜諡曰文
有司舉故事非常任二府及事東宮賜四品無贈官
上曰億爲國竭忠有君子之大節可拘以常典乎億
初爲光祿寺丞太宗賞花後苑召命賦詩座側對輔

○主○臣○奇○遇○
 臣誦其警策句明年苑中曲宴億復獻詩上詔有司
 不時名對曰非貼職制不與立命除直院表求歸里
 中迎母特賜錢十五萬太宗知其貧故屢有需資時
 之公卿賡翰皆出其手在西掖有詔以吏部主事為
 大理評事億封還詔書同王欽若修冊府元龜詔書
 局衆論取決於億修太宗實錄八十卷億獨成五十
 六卷於歷代典章制度尤為該洽故朝廷議論必取
 正焉經傳子史百家之學罔不通貫為文敏贍起草
 細字一幅數千言不加點竄對客談笑揮毫無滯論

治道談世務必稽古驗今究切利病厚風義重名教
 誘進後學樂道人善賢士大夫翕然宗之然評品人
 物黑白大分姦邪之所疾惡讒毀因以聞母病不俟
 報而行皆以為慢朝廷又有以詆時政之語達於上
 上愛之有素而又且力為開釋故僅免焉在翰林常
 以疾告上遣使挾太醫診視表謝上批紙尾賜詩有
 副予前席待名賢之句其顧遇如此晚年留意釋典
 臨終有空頌一章其文有括蒼武夷穎陰韓城退居
 汝陽蓬山冠鼈內外制刀筆集共一百九十四卷又

○主○臣○奇○遇○
 譏○毀○可○畏○如○此○非○遇○主○豈○能○免○

別出西崑酬唱、號郡文齋、穎陰聯唱、南陽釋苑等集、
 又手錄時人所作、為儒苑時文錄、數千篇、真宗常謂
 王旦、億詞學無比、後學多所法、則如劉筠、宋綬、晏殊
 而下、比比相繼、文章有正元元和風格、自億始也、旦
 曰、後進皆師慕億、惟李宗諤久與之遊、終不能得其
 鱗甲、蓋李昉詞體弱、不宗尚經典故也、

按億為宋代名賢、公詳敘其文行、又欣幸其遭逢、極力闡揚、最有生色。

止

隆平集第十四卷

宋曾文定公編撰

南豐後學彭期訂

侍從

樂黃目、字公禮、撫州宜黃人、父史、字子正、母夢許、真
 人、令吞五色珠而生、史有文辭、初仕江南、歸朝、再
 舉進士、登甲科、所至不修謹、獲譴、官至職方員外郎、
 直史館、卒、有雜編六百九十餘卷、自為文百卷、謂之
 仙洞集、黃目、淳化中登進士第、淡沈、為吏、以靜勝飾

以文雅累擢知制誥給事中卒有文集五十卷雜編六十卷常與父史同在儒館人以爲榮子理國定國劉筠字子儀大名人咸平元年登進士第補館陶縣令代還詔楊億試選人校勘太清樓書籍筠中選第一累擢知制誥翰林學士常草丁謂李廸罷相制旣又命筠草制復畱謂筠不奉詔乃更命晏殊爲之謂方用事筠遂請治郡以諫議大夫知廬州仁宗卽位復翰林學士以疾除禮部侍郎樞密直學士知棗州天聖五年復入翰林加承旨兼龍圖閣待制學士再

知廬州乃營塚墓自爲誌銘刻之卒年六十一子宗憲自景德以來居文翰之任惟筠與楊億齊名號爲楊劉筠三典貢舉以策論升降天下自筠始其爲人不苟合所著有七集

錢昆字裕之吳越國王侖之子隨俶歸朝諸從子皆授官獨昆及弟易願從科舉太宗嘉之淳化二年昆登進士第累官至諫議大夫以祕書監致仕卒年七十七子孟孫孟苟孟回昆喜爲詩賦又喜草隸書間自畫寒蘆沙鳥於紈扇有幽雅之趣人競藏之有文

集十卷、第易字希白、十七舉進士、御試三題、日未中而就言者指其輕俊而黜之、太宗常語蘇易簡歎不與李白同時對曰、有進士錢易能爲歌詩、不下李白上驚喜曰、誠如是、吾當白衣名至禁林、會盜起劍南、乃止、咸平二年、易登進士第甲科、景德中舉賢良方正策入第四等、累擢知制誥、翰林學士、卒年五十九、易才俊過人、爲文數千言、頃刻而就、又善行草書、有金閨集六十卷、瀛州集五十卷、西垣集三十卷、內制集二十卷、壽雲總錄一百卷、新書十卷、子彥遠、明逸、

彥遠字子高、以父任太廟齋郎、至大理寺丞、登進士第、至太常博士、舉賢良方正策入等、授祠部員外郎、遷起居舍人、直集賢院、卒年三十七、子勰、燮、蘇、父易、弟明逸、及彥遠皆中制舉、世以爲盛、彥遠屢上封事言事、判司農寺、因諸路奏大水、彥遠言陰氣過盛、在五行傳、有下謀上之徵、請嚴宮省、徇衛、未幾有挾刃理、諂門者、上善其奏、特賜五品服、

蘇紳字儀甫、泉州人、天禧中登進士第、初名慶民、避章獻太后諱、改今名、官至太常博士、舉賢良方正策

入等授祠部員外郎。屢上章。仁宗嘉納之。擢知制誥。翰林學士。諫官言紳舉進士馬端非其人。改龍圖閣學士。喪父服除。復翰林學士。言者又彈其急於進取。改翰林侍讀學士。知河陽。徙河中府。未行。感疾。醫者誤用藥。猶力疾杖之。卒。年四十八。子頌。袁。稅。充。李行簡。字易從。同州人。少苦學。坐石誦六經。常至夜分。雖寒暑不偷。又聚木葉學書。筆法遒勁。舉進士。登第。累擢至龍圖閣待制。真宗數幸閣。命講易。因訪大臣能否。行簡必稱其所長。人以爲長者。仁宗卽位。進

給事中。以疾求外。知河中府。徙號州。卒。年七十一。有集二十卷。子颺。閱。競。元。晬。行簡端重。不妄交。一介不取。諸人雖善弈。人莫知者。諸子非冠帶。莫敢見。聚書萬卷。多其自錄。人謂之書樓。偶夢綠衣吏持簿至公府。自丁謂而下。皆錄其官壽。至行簡。云官議大夫。及疾歎曰。官給事中。已踰分矣。

馬亮。字叔明。其先茂陵人。自祖韜始徙居廬州。太平興國五年。登進士第。屢除外官。咸平中。王均反。除西川轉運副使。改使賊平。召問蜀事。加直史館。復還部。

久之以右諫議大夫知廣州累遷至兵部侍郎仁宗
 即位進至工部尚書以太子太保致仕卒年七十三
 贈右僕射諡忠肅子仲宣仲容仲卿仲謀仲甫亮有
 治才所至以能稱初置提點刑獄官亮領福建始訊
 冤獄全活者數十人知饒州有豪右白氏多持吏短
 長常殺人原赦益橫亮發其姦惡誅之部中肅然平
 王均主將誅戮不已亮救免者千數及械送註誤者
 僅九十八至京知樞密院周瑩欲盡誅之亮言脅從
 者甚衆此特百之一二若不貸之恐益危懼貽朝廷

憂從之任中執法請父祖未葬者不許析居以厚風
 教在蜀奏除廢井鹽逋二百餘萬真宗初政亮常上
 四事皆見施行其一言親王判開封府地尊勢重疑
 隙易構非保全親親之道皆取為切務其餘督給軍
 賞趣除逋負及通邊好亦皆仁政之一端
 楊大雅字子政初名侃避真宗藩邸名而更之唐靖
 恭諸楊虞卿之後虞卿孫承休唐天祐初為吳越策
 禮副使因家錢塘大雅承休四世孫也端拱二年登
 進士第久歷外官後與陳從易竝命為知制誥二人

原本賦平召問作賦
 召問平易下作御名

者皆博學有義頗愜時論以右諫議大夫集賢院
學士知亳州卒年六十九所著有大隱集三十卷西
垣集五卷職林二十卷兩漢博聞十二卷子潛泳漸
沉沈風

劉云類稿所次孫之翰行狀最富處極有精彩

孫甫字之翰許州人天聖五年同學究出身八年再
舉登進士第常從杜衍辟永興軍司錄衍在樞密府
又薦之除祕閣校理累擢天章閣待制河北都轉運
使留侍講卒年六十贈右諫議大夫子宣寔寔著唐
史書七十五卷文集七卷每言唐君臣行事以推見

當時治亂若身履其閒聞者釋然為正言嘗言張修
媛寵恣恃恩用物之過上曰用物在省司吾恨不知
耳保州兵變前有告者大臣不時發之甫力言樞密
使借副當得罪指杜衍也邊將劉滬城水洛涇原帥
尹洙以滬違節制將斬之大臣稍主洙議甫以謂水
洛通秦渭為便滬不可罪由是罷洙而滬釋衍屢薦
甫甫與洙素善不少假借之范仲淹知杭州多便宜
行事甫為兩浙轉運使一切繩之以法原本作告之無不時字從
新編加指作使水並作永
司馬池字和中陝州夏縣人少好學推家財數十萬



與其諸父景德二年登進士第多歷外官累擢三司副使天章閣待制知杭州徙晉州卒年六十三子且光池常奏名禮部將入試殿廷一日心動不能寐曰吾母素多疾能無恙否及至內門徘徊不能入蓋母亡為友人所匿也因語其友而友止告以聞有疾池遂號慟而歸盛度謫守光州池為光山令大內火詔諸州市竹木州期以三日畢輸池以土不產轉市鄰郡非三日可得度怒甚既而光山為諸邑先池於民有信而民不俟於懲督也曹利用常薦為羣牧判官

池辭不就朝廷固授之其後利用貶其黨畏罪多從而毀之獨池在朝明利用之枉朝廷卒不問除知諫院表懇免上謂宰相曰人皆嗜進池獨嗜退也加直史館知鳳翔有疑獄上讞大理輒復下椽屬惶懼池曰長吏者政事所係乃獨承其罪詔責之政陽鎮巡檢夜飲富民家所部率執之而俾為文約不敢復督士卒而後釋其縛池捕首惡誅之巡檢亦坐廢為侍御史知雜言陝西用兵無宿將劉平好自用必誤大事卒如其言在杭州為轉運使江鈞張從革摺撫條

問原作用

加原作除

奏之未謫開吏有盜官銀器為鈞償私費而從革之
姻犯稅陰遣人私請或謂可以此報池獨不校

原本亦作
八器作稱

張師德字尚賢河南人父去華建隆二年舉進士第
一師德大中祥符開復居第一時以為榮累擢知制
誥諫議大夫知汝州卒年四十九子景仙景憲景思
景惠師德孝謹有家法守道不回執政不悅在西掖
者九年有集十卷

謝絳字希深太子賓客濤之子少以父任校書郎大
中祥符八年登進士第屢歷省寺館閣擢知制誥久

之請補外知鄧州卒年四十六子景溫景平景回有
文集五十卷絳初為祕閣校理常上疏謂有宋當以
土德王天下下兩制議不從天聖初水旱蝗生河決
上疏據洪範京房易傳陳災異之變指切時政上嘉
納之又論唐室麗正史官之局竝在大明華清宮內
太宗肇修三館更立祕閣於昇龍門左親飛白題額
刻贊閣下景德中積書寔廣又益以內帑西庫二聖
常數臨幸親加勞問遞宿廣內有不時召人人力道
術究藝文知天子尊禮而名臣高位繇此選也往者

新編有之○字

延燔簡編略盡詔訪舊本。是正疑文。有司引兩省故事。別創外館。以從繕寫。考校之便。直舍卑喧。大官衛尉。供擬滋削。陛下未常迂翠華。降玉趾。寂寥冊府。不聞輿馬之音。曠有日矣。議者以爲慕道不篤於古。待士少損於前。士無延訪之勤。而不自激策。文雅漸弊。甚爲聖朝惜也。願闕內館。以恢景德之制。從之。又言。號令數變。則虧體。利害偏聽。則惑聰。請者務於必行。守者患於不一。願罷內降。凡詔令。皆由中書密院。然後施行。因進聖治箴。曰。紹聖馭臣。內戒慎。令警變。凡

五篇

原本核作國上無作士庶闕作開

李仲容字儀父。濟陰人。唐邠王禕十三世孫。祖濤。國初爲兵部尚書。仲容少好學。咸平五年登進士第。累擢知制誥。時翰林學士員不足。衆謂當次補。而不爲宰相所喜。乃罷知制誥。爲給事中。集賢院學士。久之。除翰林侍讀學士。兼龍圖閣學士。官至戶部侍郎。卒。年七十。子景倫。景賢。景行。景仁。集制草爲冠鳳集。十二卷。仲容性質醇易。喜讀書。善記問。賓至多命酒笑談。而不及勢利。

馮元字道宗三世爲僞漢日官父邴從劉鋹入朝爲保章正元少好學崔頤正孫奭授以五經大義祥符中登進士第會詔擇明經補學官自陳通五經謝泌領銓筮詰之曰古者治一經或至皓首子能盡通之耶對曰達者一以貫之泌善其對因問以疑義隨輒辨析遂以爲國子監講書仁宗陞儲擢太子右諭德卽位除龍圖閣直學士兼侍講又判國子監故事國子監必宿儒典領其後頗用貴游子弟委任與筮庫均及元與孫奭竝命輿議大服未幾爲龍圖閣學士

翰林學士護葬章懿太后於洪福院及葬永定陵壙中有水罷爲龍圖閣學士知河陽宰相王曾口元東朝舊臣不宜以細故棄外卽名爲翰林侍讀學士遷戶部侍郎卒年六十三贈尚書諡章靖無子以兄之子諱爲後真宗大中祥符末元常講易泰卦賜五品服除直龍圖閣直閣名官蓋始於此元性簡重非慶弔未常通謁公卿執親喪自括髮至祥練皆按禮變服多識今臺閣品式之事所學長於易常患先儒多失楊雄太玄之旨獨唐王涯爲稍近爲釋文一篇

欲因王說補正之。卒不能就也。

原本作及葬改定復令人不解查通
鑑二后俱葬未定陵疑改復作永陵

孔道輔字原魯初名延魯孔子四十五世孫大中祥符五年登進士第天聖間擢至龍圖閣待制除諫議大夫御史中丞出知泰州徙徐兗州進給事中龍圖閣直學士復為中丞坐鞫馮士元獄以給事中知鄆州未至卒子宗亮宗翰初道輔任左正言常言樞密使曹利用御藥羅崇勳皆竊弄天子威柄中外憚之不早斥去無以清朝廷使契丹虜王酌以大卮曰方天寒飲此可以致和氣道輔曰不和固無害及還言

湯云馮士元獄事連程琳其罪果薄原魯即向上言之未為大謬乃憤惋而卒量亦隘矣

者以為開夷爭端他日上問之對曰契丹新為黑水所破勢甚蹙平時漢使至多以言相侮若不答恐益慢中國上然之在憲府會郭皇后廢率諫官御史伏閣請對上令至中書宰相謂曰廢后有漢唐故事道輔曰大臣當導君以堯舜而漢唐失德可為法耶宰相色沮明日請對不得入遂有泰州之命後雖坐馮士元事貶天下莫不以直道許之也

原本鞫作刻

段少連字希逸開封人其母夢鳳集於家庭而少連生大中祥符末舉服勤詞學科中選釋褐知鄂州崇

陽縣崇陽劇邑自張詠後未之繼者少連治譽仍出其右累擢至天章閣待制范仲淹薦可任將帥除龍圖閣直學士知涇州徙渭州卒年四十六子仲堅初郭皇后廢少連爲殿中侍御史與臺諫官伏閣不得對孔道輔范仲淹謫出少連等止各罰銅十斤少連上疏以爲道輔仲淹出守外郡中外皆謂非陛下之意特宰執假天威以斷來者之說不報又疏伏觀戒諭自今竝如故事密上封章不得羣詣殿門請對且伏閣上疏豈非故事昔唐陽城王仲舒伏閣雪陸贄

之枉崔元亮叩殿陛理宋申錫之寃今陛下未忍廢黜皇后而兩府列狀議降爲妃諫議御史敢廢伏閣之事乎陛下漢惟道輔等所言爲忠亮乎爲阿黨乎不報又上疏去年十二月二府大臣晚出民間喧傳皇后被遣而入道矣又傳降爲妃而離宮矣在外莫知其過失無不驚歎且皇后有罪黜則告宗廟廢則爲庶人安有陰行臣下之議者乎且皇后有小過可降爲妃則臣僚之婦有小過亦當廢爲妾矣臣等赴中書時輔弼之臣備言皇后有茹忌之行始議入道

危言正論

終降為妃兼云有上封者恐皇后不利於聖躬故修築高垣置在別館臣等備陳中外之議翌日詔出乃云中宮有過掖廷具知特示含容俾自修省供給之閒一切如故臣未審黜在別館為妃乎為后乎詔書不言安所取信皇后動搖有大不可者二輔弼之臣獨不念之內外臣僚以至戚里豈不萌覬覦之心欲進其人以希選納不憚巧事寵愛以結內援使陛下惑女色而亂紀綱紀綱之亂變故以生社稷可得安乎臣願詔皇后歸宮復位號杜絕非閒待之如初陛

下苟為邪人所沮不加省察臣恐高宗皇后之枉必見於他日宮闈不正之亂未測於將來不報察省加省察進從東史正之葉清臣字道卿蘇州人天聖二年登進士甲科累擢知制誥龍圖閣直學士權三司使出知江寧府又翰林為學士丁父憂或言其知兵起復守邊宰相陳執中所不悅除翰林侍讀學士知邠州改青州永興軍復為翰林學士權三司使罷知河陽卒年五十贈諫議大夫子均圻垣增有文集一百六十卷清臣初在西掖方陝西用兵急於經費中書進擬三司使獨不

在選中上自選任焉及再蒞是職請上河北安撫司
 錢平糴安撫使賈昌朝固爭而罷其為人爽邁遇事
 敢行數言事皆當世可施用者在三司始奏編前後
 詔敕使吏不能欺簿帳之冗者一切刪去內東門御
 廚凡所呼索省司不敢問此內臣領之故也自是始
 為合同以檢其出入焉常為兩浙轉運副使疏太湖
 盤龍匯滙瀆港入於海民賴其利

原本林下無為字固作故堤作原

彭乘字利建益州華陽人大中祥符五年登進士第
 授漢陽軍判官與同年生游相國寺門顧望皆有從

宦之樂乘獨曰親老矣敢舍晨昏之奉乎翌日遂乞
 待養以歸久之有薦其文行者名試除館閣校勘固
 辭還家天禧初用寇準薦復名試為校勘遷祕書丞
 集賢校理懇求便親得知普州舊制蜀人不許赴闕
 官特恩自乘始父卒既葬甘露降墓栢上人以為孝
 感起居注闕中書擬人乘在選中仁宗指其名曰此
 老儒雅有恬退稱遂用之擢知制誥翰林學士羣牧
 使卒年六十五子果行景行家聚書萬卷多乘手自
 校正質重純孝特為文少工

王洙字源叔，應天府人。天聖二年登進士第，累擢知制誥、翰林學士。以兄子堯臣參知政事，權翰林侍讀學士。卒年六十。子力臣、欽臣、陟臣、曾臣，所著傳十卷。雜文千有餘篇。洙博覽強記，學問過人。圖緯、方技、陰陽五行、算數、音律、詁訓、篆隸之學，無所不通。兩為天章閣侍講，常與胡瑗定樂制，更造鐘磬，而無形制容受之別。既成，卒不可用。預修崇文總目，集韻、祖宗故事五朝武經聖略、鄉兵制度。在太常主溫成葬事。由員外除翰林學士及避親，以一學士權二學士故事。

侍講無兼領者，常為諫官。范鎮論奏之，其卒賜諡曰文。吳中復等言官不應得諡，乃止。原本諡詔由作而

胥偃字安道，潭州長沙人。大中祥符五年登進士第，屢歷外官。景祐初，知制誥。久之，入翰林為學士，權知開封府。卒年五十七。子元衡，其家初有田數十頃，偃既貴，遂以予族人。西邊用兵，士卒親屬留京師，有犯法抵死者，上不忍使就刑，言者或欲置毒飲中，令得善死。偃力諫，止天下圭田。初無月日之限，爭者稍衆，偃請限水田以四月終，陸田以三月終，因著為令。常

與謝絳試中書吏大臣有私屬者偃不發視其緘牘而焚之曰發而言之不亦傷刻薄乎


原本翰上無八字

狄棐字輔之潭州湘潭人唐梁公十代孫也唐末其遠祖避地因家焉咸平二年登進士第多歷外任明道初擢至諫議大夫龍圖閣直學士進樞密直學士卒年六十七子遵道遵度遵禮遵路常守蒲中內臣旁午有自矜權寵者欲引援之棐答以它語退謂人曰吾湘潭一寒士今官侍從豈晚節緣近倖以希進哉知廣州不畜南海物人稱其廉慎及終家無餘貲

吳遵路字安道父俶字正儀潤州人幼有俊才韓熙載潘佑皆以文章著名江左一見俶淡加器重曰吳安道中林之蘭蕙也因問以文皇社淹論樂異同俶曰志氣未動則聲能致和哀樂旣形則樂乃思變熙載佑歎曰足以探禮樂之情矣應江南進士舉徐鉉主文擢在高第補丹陽尉久之進內史歸朝以近臣薦始得對名試學士院充史館編修太平御覽文苑英華太平廣記遷祕閣校理修起居注太宗實錄官至職方員外郎卒年五十六有文集二十卷說文及

祕閣開談各五卷江淮異人錄各三卷遵路大中祥符五年登進士第累擢至天章閣待制龍圖閣直學士卒年五十六子瑛遵路少穎悟其舅陳彭年以令器許之及長博學慎重寡言尤篤於風義居母喪廬墓側蔬食終制常採古今治亂事著皇典數百卷未訖而終家無餘貲友人范仲淹分俸調之新編倣作淑原本進作直至作知周湛字文淵其先汝陰人五世祖宦湖外馬霸圖割據甯不敢歸子孫遂為邵州人既又徙居南陽湛天禧二年登進士第歷內外官善治劇初若不留意已

而皆得其要累擢至右諫議大夫知相州卒年七十
一子璟玘戎州俗不服藥而救疾以巫湛為通判刻方書於石民始知藥之驗江湖民多略良人鬻嶺外為奴婢湛提點廣東路刑獄許其自陳得還鄉者千數徙京西路罷鄧州美陽堰役夫歲數十萬前此利止及圭田而不及民故也江西民喜訟多竊去案牘而州縣不能制湛為轉運使為立千文架閣法以歲月為次嚴其遺失之罪朝廷頒諸路為法至今不易又命諸縣據籍括詭名戶一路推究三十餘萬以免



追擾之弊徙夔州路蜀雲安鹽井虛課而省其輸薪
 之患知襄州鄜中皆以竹居民多侵官衢故多火災
 湛命驗券而正其經界仍易竹以瓦後不能改任三
 司鹽鐵判官立勘同法歲減天下計帳七千道遷戶
 部副使覆校軍大將功罪發運司保送而遷者減常
 之半善隔屋射弩發必中的人服其妙原本而皆作時皆失作去
 監並作監
 楊察字隱甫其先成都人景祐元年登進士甲科累
 擢知制誥龍圖閣待制翰林學士加承旨三入翰林
 又常兼龍圖學士權知開封府御史中丞兩除三司

湯云新編
 作鍾乳
 通判過南
 二字妙蓋
 必不止數
 片矣

使卒年四十六贈禮部尚書謚宣懿無子以兄之序
 登為後察七歲始能言為文敏瞻典內外制有體要
 吏術簡而中理初為江東轉運使部吏頗易其年少
 及摘姦伏一路雙慄任中執法言臺屬供奉殿中巡
 糾不法必得通古今治亂良直之臣今舉格太密公
 坐細故皆所不取恐英偉之士或有所遺知城都餌
 鍾乳數片癰發內潰而逝有文集二十卷第寘字審
 賢慶曆二年舉進士殿省國學皆選居第一通判潤
 州以母憂不赴毀瘠嘔血而卒年三十一寘常曰友

人黃孝先常夢我爲龍首山人蓋逆知其無祿也
余靖字安道韶州人天聖二年登進士第又中書判
拔萃科授將作監丞稍遷祕書丞集賢校理范仲淹
言事忤宰相貶饒州靖上言恐鉗天下口落職筠州
管權以母憂服除復職除右正言數言事合上意擢
知制誥積官至工部尚書卒諡襄靖常三使契丹曉
其語言因爲蕃部語詩爲御史劾奏貶吉州茹孝標
常因靖言其不孝廢至是遂詣闕言靖少常犯法靖
乃自求侍養改將作少監分司居韶州六年起知虔

州喪父解官會儂智高反朝廷以祕書監起復知潭
州徙桂州聞智高自廣還邕靖意其必援交趾而脅
諸峒以自固乃檄諭李德政及溪峒諸酋約其破賊
會遣狄青孫沔將兵且至與靖合爲三將靖常迫鈐
轄陳曙出關敗走青次賓州戮曙以徇靖懼離席拜
青及青破賊靖與功後知廣州代還至江寧府秦淮
亭卒年六十五靖常夢人告以官及死所皆驗
賈黯字直孺南陽人慶曆六年登進士第累擢知制
誥翰林學士權御史中丞在翰林兩爲學士兩以待

原本固作周


讀學士出補郡卒年四十四黯有學少文修潔無所
阿附仁宗淡重之常知襄州父疾請解官就養未報
乃棄官而歸責郢州未赴而父卒服除亦不復責權
開封府府史額七百人廢而復敘者皆額外補之黯
請敘者須有關乃補在西掖宰相以錢延年爲待制
黯不草制故罷若憲府與兩制合議請以漢王爲皇
伯宰執不從會大雨水黯上疏言水不潤下以二三
大臣阿諛容悅違背經義故致此災變黯言事雖不
皆切中然時論稱其亮直

何中立字公南許州人景祐元年登進士第多歷內
外官擢修起居注知制誥龍圖閣直學士樞密直學
士知杭州卒年五十四子景先景初景山景闡景俶
景甫景倩中立嗜酒而爲文頗正所至政事亦優權
知開封府以賊屬吏不服釋去中立至有復執所釋
囚來中立視之曰此真盜也窮治之果不能隱知慶
州有卒告大校受賊者中立治告者誣而置於法或
曰貸姦可乎曰人人得持短長以制其上將誰使督
戰於行陣也

陳從易字簡夫泉州人端拱初登進士第踐歷之久始擢知制誥諫議大夫進龍圖閣直學士知杭州卒年六十子紹孫繼孫維孫所著泉山集二十卷中書制彙五卷西清奏議二卷常與楊大雅同在西掖俱以文學知名時謂之楊陳從易天禧中坐失舉送宰相寇準素惡之遂除知吉州及準貶道州從易為湖南轉運使或謂曰可忘廬陵之命耶準至從易以故相禮敬之言者為慙素與王欽若善欽若廢居睢陽親舊畏時相無敢見者從易赴河南見之欽若曰無

乃為君累乎卒畱數日而行

俱原本作但



世系集

子孫孫維孫所著泉山集二十卷
 樂五卷內補奏議二卷常與楊大猷同在西樞密
 以文學知名時謂之楊陳從易天禧中坐失職
 相次學業短之遂除知吉州及準化道州從易為副
 南營使或謂曰可志則陵之命耶準至從易為副
 相繼而之者有為無家與王欽若欽若與從易雖
 以為尋累平卒畱嬾日而計

欽若曰無

